

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 1 od 15

PRAVILNIK
O PRODAJI ŠUMSKIH DRVNIH SORTIMENATA I NEDRVNIH
ŠUMSKIH PROIZVODA KJP "SARAJEVO-ŠUME" D.O.O.
SARAJEVO

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 2 od 15

Na osnovu člana 257. Zakona o privrednim društvima (Službene novine F BiH", broj: 81/15 75/21), Odluke o uslovima načinu prodaje šumskih drvnih sortimenata nedrvnih šumskih sortimenata (Službene novine Kantona Sarajevo", broj 35/22), člana 41. stav 1. tačka f) i člana 107. stav 3. Statuta Kantonalnog javnog preduzeća za gospodarenje državnim šumama „Sarajevo-šume" d.o.o Sarajevo, broj: 0101-1753-12/22 od 18.05.2022. godine, člana 7., člana 35. i člana 36. Poslovnika o radu Nadzornog odbora KJP „Sarajevo-šume" d.o.o. Sarajevo, broj: 0102-4495-4/25 od 27.11.2025 godine, Nadzorni odbor KJP «Sarajevo-sume» d.o.o. Sarajevo na drugoj hitnoj sjednici održanoj dana 04.02.2026. godine, donio je

P R A V I L N I K

o prodaji šumskih drvnih sortimenata i nedrvnih šumskih proizvoda KJP «Sarajevo-šume» d.o.o. Sarajevo

I UVOD

Član 1. (Predmet)

Pravilnikom o prodaji šumskih drvnih sortimenata nedrvnih šumskih proizvoda KJP „Sarajevo-šume" d.o.o. Sarajevo (u daljem tekstu: Pravilnik), KJP „Sarajevo-šume" d.o.o. Sarajevo (u daljem tekstu: Preduzeće) propisuje način prodaje šumskih drvnih sortimenata i nedrvnih šumskih proizvoda porijeklom iz državnih šuma na području Kantona Sarajevo, kao obavezu transparentnog i tržišnog postupanja, ciljeve, način i opće uslove prodaje, način računanja minimalne cijene, te nadzor nad njenom primjenom.

Član 2. (Pojam prodaje šumskih drvnih sortimenata)

Pod prodajom šumskih drvnih sortimenata i nedrvnih šumskih proizvoda podrazumijeva se prodaja šumskih proizvoda pravnim i fizičkim licima na način i pod uslovima iz ovog Pravilnika.

Član 3. (Ciljevi)

Preduzeće uspostavlja sistem prodaje šumskih drvnih sortimenata i nedrvnih šumskih proizvoda porijeklom iz državnih šuma, koji mora obezbijediti slijedeće:

1. Razviti tržište drvetom, uspostaviti tržišne cijene i omogućiti svim zainteresovanim kupcima da pod istim tržišnim uslovima nabave šumske drvene sortimente i nedrvne šumske proizvode,
2. Izgraditi sistem prodaje koji isključuje nezakonite radnje i odlučivanje pojedinaca kod izbora kupaca i određivanju cijena, te raspodjelu količina po kupcima,
3. Isključiti mogućnosti ostvarivanja „ekstra-profita" jednog ili više kupaca po osnovu favorizovanih ili privilegovanih,
4. Obezbijediti lokalno stanovništvo ogrijevnim drvetom,
5. U potpunosti razdvojiti administrativne od ekonomskih funkcija i omogućiti provođenje Zakona o šumama Kantona Sarajevo koji je na snazi.
6. Spriječiti nelegalne aktivnosti i iste sankcionisati.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 3 od 15

II – ŠUMSKI DRVNI SORTIMENTI

Član 4. (Način prodaje šumskih drvnih sortimenata)

- 1) Prodaja šumskih drvnih sortimenata iz državnih šuma se vrši na slijedeće načine:
 - a) Prodajom putem ugovora za sukcesivnu isporuku,
 - b) Prodaja licitacijom,
 - c) Prodaja za potrebe mjesnog stanovništva – maloprodaja.
- 2) Preduzeće će na bazi godišnjeg plana proizvodnje šumskih drvnih sortimenata planirati količine šumskih drvnih sortimenata po načinima prodaje.
- 3) Odluku o količinama šumskih drvnih sortimenata po načinima prodaje na bazi godišnjeg plana proizvodnje šumskih drvnih sortimenata donosi Uprava preduzeća najkasnije do kraja novembra tekuće godine za narednu poslovnu godinu.

Član 5. (Uslovi za učešće pravnih lica u kupovini šumskih drvnih sortimenata)

Pravo učešća u kupovini šumskih drvnih sortimenata, imaju sva pravna lica koja ispunjavaju sljedeće opće uslove:

- 1) za prodaju putem ugovora za sukcesivnu isporuku – da posjeduju rješenje o upisu u sudski registar, dokaz o ispunjavanju uslova za obavljanje djelatnosti rezanja drveta, cijepanja drveta, polufinalne, finalne i hemijske prerade drveta, aktivan transakcijski račun kod banke, porezni i PDV broj.
- 2) za prodaju licitacijom i prodaju visokovrijednih sortimenata – da ispunjava uslove pod stavom 1) ili da su registrovani za promet šumskih drvnih sortimenata i PDV broj.
- 3) za sve načine prodaje – da nisu u sudskom sporu sa Preduzećem u vezi isporuke/nabavke drveta, da avansno plaćaju šumske drvne sortimente ili da obezbijede garanciju plaćanja, da nisu dužnici privrednim društvima u šumarstvu ili da su ranije neisplaćena dugovanja regulisali ugovorom o izmirenju duga odnosno da su uplatili sve dospjele rate po ugovoru.

III NAČIN PRODAJE

III.a. Prodaja putem ugovora sa sukcesivnu isporuku šumskih drvnih sortimenata

Član 6. (Sukcesivna isporuka)

- 1) Ugovori za sukcesivnu isporuku šumskih drvnih sortimenata sklapaju se sa pravnim licima registrovanim za primarnu, polufinalnu, finalnu, hemijsku preradu i cijepanje drveta, koja ispunjavaju opće i posebne uvjete predviđene ovim Pravilnikom:
 - a) da posjeduju Rješenje o upisu u sudski registar,
 - b) da posjeduju dokaz o ispunjavanju uslova za obavljanje djelatnosti rezanja drveta polufinalne, finalne, hemijske prerade i cijepanja drveta,
 - c) da imaju aktivan transakcijski račun kod banke,
 - d) da imaju porezni i PDV broj,
 - e) da nisu dužnici privrednim društvima u šumarstvu ili da su ranije neisplaćena dugovanja regulisali ugovorom o izmirenju duga odnosno da su uplatili sve dospjele rate po ugovoru,
 - f) da nisu u sudskom sporu sa Preduzećem u vezi isporuke/nabavke drveta,

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 4 od 15

- g) da su u mogućnosti avansno plaćati šumske drvne sortimente ili da će obezbijediti garanciju plaćanja za slučaj odgođenog plaćanja (dokaz: izjava).
- 2) Šumski drvni sortimenti koji se prodaju ugovorima za sukcesivnu isporuku su: F, L trupci, pilanska oblovina I, II i III klase, tt stubovi, sitno tehničko drvo, rudno drvo, drvo za celulozu, drvo za drvene ploče, ogrijevno drvo i drvo za proizvodnju energije.
- 3) U slučaju elementarnih nepogoda, poremećaja na tržištu u ponudi i potražnji, kao i u slučaju pojave veće količine sanitarnih užitaka, Odlukom Uprave preduzeća uz suglasnost nadzornog odbora utvrdit će se količine drveta za celulozu i rudnog drveta koje će se prodavati putem neposredne pogodbe po cijenama iz važećeg Jedinstvenog minimalnog cjenovnika Preduzeća.

Član 7.

(Objava prodaje putem ugovora za sukcesivnu isporuku šumskih drvnih sortimenata)

- 1) Prodaja putem ugovora za sukcesivnu isporuku šumskih drvnih sortimenata objavljuje se u najmanje jednom dnevnom listu sa područja F BiH, na web stranici Preduzeća i na oglasnim pločama Preduzeća.
- 2) Objava u dnevnom listu može biti u vidu obavijesti o prodaji šumskih drvnih sortimenata sa informacijom da se cijeli tekst objave može naći na web stranici Preduzeća i na oglasnim pločama Preduzeća.

Član 8.

(Kriteriji za odabir kupaca i raspodjelu raspoloživih količina, a u cilju sklapanja ugovora za prodaju putem ugovora za sukcesivnu isporuku)

- 1) Kriteriji koji se primjenjuje prilikom bodovanja kupaca, a u cilju sklapanja ugovora o sukcesivnoj isporuci su:

a) Stepen finalizacije

Kupac koji ima finalni stepen boduje se sa 2 boda, kupac koji ima polufinalni stepen boduje se sa 1 boda, dok se kupcu koji nema nikakav stepen finalizacije ne dodjeljuju bodovi.

b) Kapacitet prerade šumskih drvnih sortimenata

Kupac (Qk max) koji ima najveći kapacitet prerade iz tekuće godine boduje se sa 5 bodova, a svaki drugi kupac (Qk) na sljedeći način:

$$\frac{Qk}{Qk \max} \times 5 = \text{broj bodova } Qk$$

- c) **Ukupan broj zaposlenih** prijavljenih radnika u poslovnoj jedinici koja se bavi rezanjem drveta kod potencijalnog kupca, a po zvaničnoj evidenciji kod nadležnog organa:

Kupac koji ima do 20 zaposlenih boduje se sa 2 boda, Kupac koji ima 20 do 50 zaposlenih boduje se sa 4 boda, a Kupac koji ima 50 i više zaposlenih boduje se sa 6 bodova:

d) Uslovi plaćanja

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 5 od 15

Kupac koji nudi 30 dana avansnog plaćanja za preuzimanje drvnih sortimenata na mjesečnom nivou boduje se sa 3 boda, dok se kupcu koji nudi odgođeno plaćanje ne dodjeljuju bodovi.

Kupcima će se ponuditi opcija:

- avansnog plaćanja 30 dana
- odgođenog plaćanja, uz obezbjeđenje plaćanja dostavljanjem bankovne garancije prije zaključenja ugovora o kupoprodaji šumskih drvnih sortimenata.

e) Procent obaveznog preuzimanja učešća lošijih kvalitetnih klasa (jamsko, ogrijev, celuloza, gule) u odnosu na tražene količine pilanskih trupaca

- Kupac koji želi da preuzima preko 10% lošijih kvalitetnih klasa četinara boduje se sa 10 bodova,
- Kupac koji želi da preuzima od 5-10% lošijih kvalitetnih klasa četinara boduje se sa 5 bodova,
- Kupcu koji ne želi da preuzima lošije kvalitetne klase četinara ne dodjeljuju se bodovi,
- Kupac koji želi da preuzima preko 20% lošijih kvalitetnih klasa lišćara boduje se sa 5 bodova,
- Kupcu koji ne želi da preuzima lošije kvalitetne klase lišćara ne dodjeljuju se bodovi.

f) Procent preuzimanja F i L trupaca

- Kupac koji želi da preuzima sve ponuđene količine F i L trupaca (100%) boduje se sa 5 bodova,
- Kupac koji želi da preuzima sve ponuđene količine F trupaca (50%) boduje se sa 2,5 bodova,
- Kupac koji želi da preuzima sve ponuđene količine L trupaca (50%) boduje se sa 2,5 bodova,
- Kupcu koji ne želi da preuzima F i L trupce (0%) ne dodjeljuju se bodovi,

g) Izvozna orjentiranost kupca sa finalnim proizvodima od drveta ili prerađenim drvetom (sitno cijepanim)

Kupac koji je izvozno orijentiran sa finalnim proizvodima od drveta ili prerađenim drvetom (sitno cijepanim) boduje se sa 5 bodova, dok se kupcu koji nije izvozno orijentiran ne dodjeljuju bodovi.

h) Ekonomski bonitet kupca (bankovna garancija za ozbiljnost ponude)

Kupac koji dostavi bankovnu garanciju za ozbiljnost ponude boduje se sa 2 boda, dok se kupcu koji ne dostavi bankovnu garanciju za ozbiljnost ponude ne dodjeljuju bodovi.

i) Kriterij na osnovu ostvarenih većih finansijskih efekata putem licitacije

Kupac (Q_i max) koji je u tekućoj godini imao najveću finansijsku vrijednost uspješno realizovanog zaključenog ugovora o kupoprodaji šumskih drvnih sortimenata putem licitacije sa Preduzećem boduje se sa maksimalnih 10 bodova, a svaki drugi kupac (Q_i) na slijedeći način:

$$\frac{Q_i}{Q_i \text{ max}} \times 10 = \text{broj bodova } Q_i$$

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 6 od 15

dok se kupcu koji nije imao uspješnu realizaciju zaključenog ugovora o kupoprodaji šumskih drvnih sortimenata putem licitacije sa Preduzećem u tekućoj godini ne dodjeljuju bodovi.

j) Ukupna količina preuzetih šumskih drvnih sortimenata (m³) od KJP „Sarajevo-šume“ d.o.o. Sarajevo u periodu od 01.01. – do 31.10. tekuće godine

Kupac (Qs max) koji je preuzeo najveću ukupnu količinu ŠDS u navedenom periodu boduje se sa maksimalnih 25 bodova, a svaki drugi kupac (Qs) na sljedeći način:

$$\frac{Qs}{Qs \text{ max}} \times 25 = \text{broj bodova } Qp$$

k) Kupcu koji posluje u skladu sa standardom za održivo gospodarenje šumama, dodjeljuje se 2 boda, dok se kupcu koji ne posluje u skladu sa standardom za održivo gospodarenje šumama ne dodjeljuju bodovi.

l) Ukupna vrijednost avansnih uplata za preuzete šumske drvene sortimente u KJP „Sarajevo-šume“ doo Sarajevo u periodu od 01.01. do 31.10. tekuće godine.

Kupac (Qv max) koji ima najveći iznos avansnih uplata boduje se sa maksimalnih 25 bodova a svaki drugi kupac (Qv) na sljedeći način:

$$\frac{Qk}{Qk \text{ max}} \times 25 = \text{broj bodova } Qk$$

- 2) Ukupna količina bodova za svakog kupca bi bila jednaka zbiru dobijenih bodova za svaki od navedenih kriterija.
- 3) Vrijednost boda bi se dobila stavljanjem u omjer ukupno raspoložive količine sa ukupnim brojem bodova svih kupaca x ostvareni broj bodova pojedinačno za svakog kupca.
- 4) U cilju zaštite domaćih drvoprerađivača - pod istim uslovima drvoprerađivači na području Kantona Sarajevo imaju prednost. Kupcima sa područja Kantona Sarajevo će se bodovi dodijeliti u skladu sa naprijed propisanim kriterijima uvećati za procent od 20%.
- 5) Svakom novom kupcu koji se prijavi na javni oglasi zainteresovan je za kupovinu šumskih drvnih sortimenata, a koji nije imao zaključen ugovor o kupoprodaji šumskih drvnih sortimenata sa Preduzećem u tekućoj godini, dodjeljuje se količina od 200 m³ kao zbir svih sortimenata za koje kupac iskaže interes.
- 6) Kupci koji godišnje kupuju šumske drvene sortimente do 300 m³ ne moraju zaključivati ugovor o prodaji šumskih drvnih sortimenata, već se prodaja vrši na izdavanje predračuna i avansnog plaćanja uz prethodnu dostavu zahtjeva kupca ili narudžbenice, koji ispunjavaju uslove iz člana 5.stav (1) ovog Pravilnika.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 7 od 15

Član 9.

(Imenovanje Komisije za prodaju šumskih drvnih sortimenata putem ugovora za sukcesivnu isporuku)

- 1) Uprava Preduzeća Rješenjem će imenovati Komisiju za prodaju šumskih drvnih sortimenata putem ugovora za sukcesivnu isporuku.
- 2) Komisija iz stava (1) ovog člana se imenuje na period od jedne godine i broji 3 člana, a naknada za rad komisije utvrđivat će se posebnim odlukama.

Član 10.

(Zadatak komisije za prodaju šumskih drvnih sortimenata putem ugovora za sukcesivnu isporuku)

Zadatak komisije za prodaju šumskih drvnih sortimenata putem ugovora za sukcesivnu isporuku iz člana 9. ovog Pravilnika je:

- a) da javno otvori prispjele ponude,
- b) da izvrši bodovanje u skladu sa članom 8. ovog Pravilnika,
- c) da utvrdi prijedlog Liste kupaca sa količinama šumskih drvnih sortimenata po kupcu na bazi zbrajanja ostvarenih bodova po svim kriterijima iz člana 8. ovog Pravilnika,
- d) da o naprijed navedenom sačini Zapisnik koji će dostaviti Upravi Preduzeća na razmatranje i usvajanje

Član 11.

(Zapisnik Komisije za prodaju šumskih drvnih sortimenata putem ugovora za sukcesivnu isporuku)

- 1) Komisija za prodaju šumskih drvnih sortimenata putem ugovora za sukcesivnu isporuku dostavlja Zapisnik Upravi Preduzeća na razmatranje i usvajanje.

Član 12.

(Odluka o dodjeli ugovora za prodaju šumskih drvnih sortimenata putem sukcesivne isporuke)

- 1) Odluku o dodjeli ugovora o prodaji šumskih drvnih sortimenata putem sukcesivne isporuke donosi direktor preduzeća uz prethodno pribavljenu suglasnost Uprave preduzeća.
- 2) Uprava Preduzeća će dostaviti informaciju o donesenim Odlukama iz stava (1) ovog člana Nadzornom odboru u roku od 30 dana od dana pravosnažnosti Odluka.

Član 13.

(Prigovor na Odluku o dodjeli ugovora za prodaju šumskih drvnih sortimenata putem sukcesivne isporuke)

Na odluku o dodjeli ugovora o prodaji šumskih drvnih sortimenata putem sukcesivne isporuke ponuđači imaju pravo prigovora Upravi Preduzeća u roku od 3 (tri) dana od dana prijema iste.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 8 od 15

Član 14.
(Početna cijena, prodajna cijena i uslovi plaćanja)

- 1) Osnovna, odnosno početna cijena za zaključivanje ugovora ne može biti niža od cijena utvrđenih Jedinstvenim cjenovnikom proizvoda šumarstva i usluga Preduzeća.
- 2) Cijene se odnose na prodaju drveta sa šumskog stovarišta.
- 3) Prodajne cijene šumskih drvnih sortimenata utvrđene su u trenutno važećem Jedinstvenom cjenovniku proizvoda šumarstva i usluga Preduzeća, koji usvaja Nadzorni odbor Preduzeća uz predhodnu saglasnost Ministarstva privrede Kantona Sarajevo, a najmanje jednom godišnje vrši se korekcija cijena iz Jedinstvenog cjenovnika proizvoda šumarstva i usluga Preduzeća.
- 4) Cijene šumskih drvnih sortimenata se mogu ugovoriti da budu veće od predviđenih u Jedinstvenom cjenovniku proizvoda šumarstva i usluga Preduzeća.
- 5) Odluku o utvrđivanju početnih cijena za prodaju šumskih drvnih sortimenata putem sukcesivne isporuke donosi Uprava Preduzeća.

Član 15.
(Realizacija ugovora o prodaji šumskih drvnih sortimenata putem sukcesivne isporuke)

- 1) Dinamike isporuka ugovorenih količina šumskih drvnih sortimenata putem sukcesivne isporuke sačinjavaće se unaprijed za period od jednog mjeseca uz obavezu njihovog poštivanja.
- 2) eventualnim opravdanim promjenama u dinamikama Preduzeće kao prodavac će blagovremeno obavijestiti kupce, a što će biti definisano kupoprodajnim ugovorom.
- 3) Izradu i dostavu dinamika isporuka šumskih drvnih sortimenata, a na bazi ugovorenih količina i dispozicija odobrava Direktor Preduzeća.
- 4) Dinamike se sačinjavaju kao zbirne (obuhvaćeni su svi kupci).
- 5) Kupcu se dostavlja pojedinačna dinamika, kao izvod iz zbirne dinamike, koji se tiče isporuka konkretno za tog kupca tokom mjeseca na koji se odnosi.
- 6) Na bazi usaglašenih dinamika sačinjavaće se dispozicije za organizacione jedinice koje treba da ih realizuju.
- 7) Kupcima koji ne preuzmu robe prema utvrđenim dinamikama, Preduzeće nije dužno obezbijediti nepreuzete količine u narednom periodu.
- 8) Nepreuzete količine u smislu stava 7. ovog člana će se neposrednim ugovaranjem ponuditi drugim kupcima pod istim uslovima.
- 9) Odluku o nepreuzetim količinama i dodjeli ugovora donosi Uprava Preduzeća a na osnovu izvještaja koji će se sačinjavati svakih 6 mjeseci tekuće godine.
- 10) Kupac koji uredno ne realizuje zaključeni ugovor o prodaji, odnosno ne preuzme robe prema utvrđenim dinamikama, nema pravo na dodjelu nepreuzetih količina.
- 11) Uprava Preduzeća prati poštivanje usaglašenih dinamika i izvršenje ugovorenih obaveza, kako od strane kupaca, tako i od strane lica zaduženih za realizaciju dispozicija.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 9 od 15

- 12) Direktor Preduzeća dužan je dostavljati Nadzornom odboru Preduzeća šestomjesečne izvještaje o realizaciji ugovora o prodaji šumskih drvnih sortimenata putem sukcesivne isporuke.

III. b. Prodaja licitacijom/javnim nadmetanjem

Član 16. (Licitacija)

- 1) Licitacija podrazumijeva prodaju određene količine šumskih drvnih sortimenata, putem javnog oglašavanja, a po kriteriju ponuđene najviše cijene.
- 2) Licitacija/javno nadmetanje se mora objaviti tako da je dostupno svim potencijalnim kupcima. Objavljuje se u najmanje jednom dnevnom listu koji se distribuira na području Federacije BiH, web-stranici i na oglasnim pločama Preduzeća, a provodi se na slijedeće načine:
 - a) Predprodaja,
 - b) Naknadna prodaja,
 - c) Prodaja visokovrijednih sortimenata.
- 3) Objava u dnevnom listu može biti u vidu obavijesti o prodaji šumskih drvnih sortimenata sa informacijom da se cijeli tekst objave može naći na web-stranici i na oglasnim pločama KJP „Sarajevo-šume” d.o.o. Sarajevo.
- 4) Odluku o prodaji putem licitacije donosi Uprava Preduzeća uz prethodno pribavljenu suglasnost Nadzornog odbora Preduzeća samo u slučajevima ukoliko bi prodaja prelazila obim preko 15% ukupne knjigovodstvene vrijednosti imovine Preduzeća, dok u ostalim slučajevima nije potrebna prethodna suglasnost nadzornog odbora.
- 5) Uprava Preduzeća dužna je dostavljati Nadzornom odboru Preduzeća šestomjesečne izvještaje o prodaji šumskih drvnih sortimenata putem licitacije.

Član 17. (Predprodaja)

- 1) Predprodaja je prodaja svog drveta iz jednog odjela prije izvođenja radova po planiranom sortimentnom napadu.
- 2) Krojenje, klasiranje i primanje drvnih sortimenata kod panja, te njihovu otpremu vrši Preduzeće.
- 3) Preduzeće ili kupac vlastitim sredstvima ili angažovanjem registrovanih izvođača radova u šumarstvu izvodi radove na sječi, izradi, primicanju i privlačenju šumskih drvnih sortimenata posiječe, izradi i izvuče/iznese drvene sortimente, izradi vlaka i po potrebi konzerviranje vlaka.
- 4) Preduzeće vrši nadzor nad poslovima sječe, izrade izvlačenja šumskih drvnih sortimenata, izrade vlaka i njihovo konzerviranje.
- 5) Kupac preuzima sve sortimente po ostvarenom (realizovanom) sortimentnom napadu na šumskom stovarištu.
- 6) Kod ovog vida prodaje, prilikom ugovaranja će se utvrditi način i obroci plaćanja, iznosi avansa i količina otpremljenog drveta za koje se plaća avans.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 10 od 15

Član 18.
(Naknadna prodaja - licitacija na stovarištu)

- 1) Naknadna prodaja je prodaja šumskih drvnih sortimenata po klasama i mjerama na šumskom ili centralnom stovarištu putem licitacije/javnog nadmetanja.
- 2) Preduzeće je obavezno ovim vidom prodaje ponuditi najmanje 20% klasiranih šumskih drvnih sortimenata tehničke oblovinе u skladu sa mjesečnom dinamikom proizvodnje.
- 3) Svo „deklasirano drvo“ obavezno se prodaje naknadnom prodajom - licitacijom.

Član 19.
(Prodaja visokovrijednih sortimenata)

- 1) Prodaja visokovrijednih sortimenata svih vrsta drveća se vrši po komadu (trupcu) i obavlja se putem licitacije/javnog nadmetanja.
- 2) Do razvijanja sistema prodaja visokovrijednih sortimenata isti će se uključiti u sistem naknadne prodaje / licitacije.

Član 20.
(Javni oglas o prodaji šumskih drvnih sortimenata putem licitacije/javnog nadmetanja)

- 1) Preduzeće će u najmanje jednom dnevnom listu sa područja Federacije BiH, na web stranici i oglasnim pločama Preduzeća objaviti Javni oglas o prodaji šumskih drvnih sortimenata putem licitacije/javnog nadmetanja.
- 2) Javni oglas, pored ostalog, obavezno sadrži i:
 - a) Lokaciju odjela, medustovarišta ili Centralnog stovarišta,
 - b) Vrstu drveta,
 - c) Kvalitativnu strukturu šumskih drvnih sortimenata,
 - d) Količine iskazane u m³,
 - e) Tačan datum i vrijeme licitacije,
 - f) Mjesto licitacije.
 - g) Vrijeme dostavljanja ponuda,
 - h) Vrijeme otvaranja ponuda.
 - i) Termin, lokaciju i kontakt osobu za uvid u ponuđenu robu,
 - j) Početne najniže cijene

Član 21.
(Pravo učešća na licitaciji/javnom nadmetanju)

- 1) Pravo učešća na licitaciji/javnom nadmetanju imaju sva pravna lica koja ispunjavaju uslove za kupovinu licitacijom iz člana 5. stav 2) ovog Pravilnika i dostave dokaze o uplati novčanog depozita kao potvrdu ozbiljnosti učešća na licitaciji/javnom nadmetanju.
- 2) Visina obaveznog depozita utvrđivaće se za svaki javni oglas posebno i može iznositi najviše 3% od ukupne vrijednosti licitiranog kontingenta šumskih drvnih sortimenata.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 11 od 15

Član 22.

(Imenovanje Komisije za prodaju šumskih drvnih sortimenata putem licitacije/javnog nadmetanja)

- 1) Uprava Preduzeća Rješenjem će imenovati Komisiju za prodaju šumskih drvnih sortimenata putem licitacije/javnog nadmetanja.
- 2) Komisija iz stava (1) ovog člana se imenuje na period od jedne godine i broji 3 člana, a naknada za rad komisije utvrđivat će se posebnim odlukama.

Član 23.

(Zadatak komisije za prodaju šumskih drvnih sortimenata putem licitacije/javnog nadmetanja)

Zadatak Komisije za prodaju šumskih drvnih sortimenata putem licitacije/javnog nadmetanja iz člana 22. ovog Pravilnika je:

- a) da javno otvori prispjele ponude,
- b) da izvrši bodovanje u skladu sa Javnim oglasom,
- c) da utvrdi prijedlog Liste kupaca sa količinama i cijenama šumskih drvnih sortimenata,
- d) da o naprijed navedenom sačini Zapisnik koji će dostaviti Upravi Preduzeća na razmatranje i usvajanje.

Član 24.

(Zapisnik Komisije za prodaju šumskih drvnih sortimenata putem licitacije/javnog nadmetanja)

- 1) Komisija za prodaju šumskih drvnih sortimenata putem licitacije/javnog nadmetanja dostavlja Zapisnik Upravi Preduzeća na razmatranje i usvajanje.

Član 25.

(Odluka o dodjeli ugovora za prodaju šumskih drvnih sortimenata putem licitacije/javnog nadmetanja)

Odluku o dodjeli ugovora o prodaji šumskih drvnih sortimenata putem licitacije/javnog nadmetanja donosi direktor Preduzeća uz prethodno pribavljenu suglasnost Uprave Preduzeća, a u slučajevima ukoliko bi prodaja prelazila obim preko 15% ukupne knjigovodstvene vrijednosti imovine Preduzeća, saglasnost na odluku daje Nadzorni odbor..

Član 26.

(Prigovor na Odluku o dodjeli ugovora za prodaju šumskih drvnih sortimenata putem licitacije/javnog nadmetanja)

Na odluku o dodjeli ugovora o prodaji šumskih drvnih sortimenata putem licitacije/javnog nadmetanja ponuđači imaju pravo prigovora Nadzornom odboru Preduzeća u roku od 3 (tri) dana od dana prijema iste.

Član 27.

(Prodaja drveta za potrebe mjesnog stanovništva)

- 1) Ovim načinom prodaje vrši se prodaja šumskih drvnih sortimenata za snadbijevanje mjesnog stanovništva drvetom za vlastite potrebe.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 12 od 15

- 2) Preduzeće će nastojati da udovolji svim potrebama lokalnog stanovništva ukoliko iste ne prelaze planirane količine predviđene šumskogospodarskom osnovom ili godišnjim planom.
- 3) Mjesnom stanovništvu se mogu prodavati sljedeći drveni sortimenti i to pod sljedećim uslovima:
 - a) **Ogrijevno drvo na lokacijama:**
 - U šumi na panju (uzgojne sječe u visokim, visokim degradiranim i izdanačkim šumama i mjere njege u šumskim kulturama). Sječa se kupcu odobrava uz prethodno odabiranje i obilježavanje stabala za sječu. Nadzor nad sječom, izradom i izvlačenjem ili iznošenjem drveta do međustovarišta vrši Preduzeće, kao i premjeravanje i obračun sredstava za uplatu. Po izvršenoj uplati i predočavanju uplatnice od strane kupca drvo se može staviti u promet uz odgovarajući otpremni dokument.
 - Na međustovarištu se ogrijevno drvo prodaje i stavlja u promet nakon izvršene uplate i predočavanja uplatnice od strane kupca uz odgovarajući otpremni dokument.
 - Prostorno drvo iz redovnih sječa u šumi kod panja može se odobriti kupcu. Nakon izvršene sječe i izvoza oblovine, kupac će po uputstvu i uz nadzor Preduzeća izvršiti prikupljanje i iznos/izvoz prostornog drveta do međustovarišta gdje se vrši premjeravanje drveta od strane Preduzeća i uplate od strane kupca. Po izvršenoj uplati i predočavanju uplatnice od strane kupca drvo se može staviti u promet uz odgovarajući otpremni dokument.
 - b) **Sitno tehničko drvo** (hmeljovke, kolje, stožine, bunarske motke, pulčevi i dr.) mogu se prodavati na sljedećim lokacijama:
 - U šumi na panju na isti način i po istim procedurama kao pod stavom 3. tačka a) alineja 1. ovog člana.
 - Na međustovarištu na isti način i po istim procedurama kao pod stavom 3. tačka a) alineja 2. ovog člana.
 - c) **Tehnička oblovina** može se odobriti lokalnom seoskom stanovništvu po važećem Jedinstvenom cjenovniku proizvoda šumarstva i usluga Preduzeća za izgradnju objekata koji su potrebni seoskom stanovništvu (kuća, staja za stoku ili pomoćni objekti) na lični zahtjev uz ovjerenu izjavu kupca o količini i vrsti potrebnih ŠDS za izgradnju objekta, a najviše do 15 m³, na sljedećim lokacijama:
 - u šumi na panju (sanitarne sječe, sječe u cilju vršenja proreda u šumskim kulturama i sječe u izdanačkim šumama) na isti način i po istim procedurama kao pod stavom 3. tačka a) alineja 1. ovog člana.
 - na međustovarištu na isti način i po istim procedurama kao pod stavom 3. tačka b) alineja 2. ovog člana.
- 4) Prodaja drvnih sortimenata mjesnom stanovništvu vrši se u skladu sa Planom odjela predviđenih za maloprodaju.

IV UTVRĐIVANJE CIJENA ŠUMSKIH DRVNIH SORTIMENATA

Član 28. (Cijene šumskih drvnih sortimenata)

Prodajne cijene šumskih drvnih sortimenata utvrđene su u trenutno važećem Jedinstvenom cjenovniku proizvoda šumarstva i usluga Preduzeća koji usvaja Nadzorni odbor Preduzeća uz predhodnu saglasnost Ministarstva privrede Kantona Sarajevo, a najmanje jednom godišnje vrši se korekcija cijena iz Jedinstvenog cjenovnika proizvoda šumarstva i usluga Preduzeća.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 13 od 15

Član 29.
(Odluka o smanjenju cijena)

- 1) U uslovima poremećaja na tržištu drvnih sortimenata, Preduzeće može, u skladu sa članom 9. Odluke o uslovima i načinu prodaje šumskih drvnih sortimenata i nedrvnih šumskih sortimenata („Službene novine Kantona Sarajevo“, broj 35/22) pokrenuti postupak smanjenja cijena šumskih drvnih sortimenata u sljedećim slučajevima:
 - a) ukoliko se prilikom objave prodaje drvnih sortimenata putem licitacije/javnog nadmetanja ne uspije prodati količina koja je planirana za prodaju,
 - b) u slučaju da se ugovorima za sukcesivnu isporuku ne može prodati količina koja je predviđena ovakvim načinom prodaje i ukoliko nema interesa kupaca za preuzimanjem drvnih sortimenata.
 - c) ukoliko su cijene u okruženju, to jest, cijene u drugim ŠPD-ovima manje od cijena u Preduzeću,
 - d) u slučajevima kada se određene robe lageruju na stovarištima i kada nema potražnje od strane kupaca za iste, a da ne bi došlo do propadanja i deklasiranja drvnih sortimenata.
- 2) Na osnovu Odluke o smanjenju cijena šumskih drvnih sortimenata, koju donosi Nadzorni odbor Preduzeća na prijedlog Direktora Preduzeća, Nadzorni odbor Preduzeća uz predhodnu saglasnost Ministarstva privrede Kantona Sarajevo usvaja izmjenu trenutno važećeg Jedinstvenog cjenovnika proizvoda šumarstva i usluga Preduzeća.

Član 30.
(Odluka o povećanju cijena)

- 1) Uprava Preduzeća može predložiti Nadzornom odboru Preduzeća donošenje odluke o povećanju svih ili pojedinih cijena šumskih drvnih sortimenata.
- 2) Odluku o povećanju cijena donosi Nadzorni odbor Preduzeća na prijedlog Uprave Preduzeća.

Član 31.
(Manje vrijedni šumski drveni sortimenti)

Za manje vrijedne šumske drvne sortimente koji prema kvalitetu i dimenzijama nisu obuhvaćeni standardima koje Preduzeća primjenjuju pri izradi Jedinstvenog cjenovnika proizvoda šumarstva i usluga Preduzeća, ali za koje određeni kupci pokazuju interes (biomasa za proizvodnju energije i sl.). Uprava Preduzeća donosi odluku o prodaji.

V NEDRVNI ŠUMSKI PROIZVODI

Član 32.
(Korištenje nedrvnih šumskih proizvoda)

- 1) Preduzeće daje na komercijalno korištenje nedrvne šumske proizvode iz šuma i sa šumskog zemljišta u državnom vlasništvu u skladu sa šumsko privrednom osnovom i po Jedinstvenom cjenovniku proizvoda šumarstva i usluga Preduzeća.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 14 od 15

- 2) Nedrvni šumski proizvodi, a pripadaju biljnim vrstama koje nisu zaštićene daju se na komercijalno korištenje u Gospodarskoj jedinici kojom gazduje Preduzeće, po spisku nedrvnih šumskih proizvoda, koji obavezno sadrži: redni broj, latinski naziv, narodni naziv, korisni dio i način ubiranja.
- 3) Korištenje nedrvnih šumskih proizvoda se mora objaviti tako da je dostupno svim potencijalnim kupcima. Objavljuje se u najmanje jednom dnevnom listu koji se distribuira na teritoriji Federacije BiH, na web-stranici i na oglasnoj ploči Preduzeća. Objava u dnevnim listovima može biti u vidu obavijesti o prodaji šumskih nedrvnih sortimenata sa informacijom da se cijeli tekst objave može naći na web-stranici i na oglasnoj ploči Preduzeća.

VI ZAVRŠNE ODREDBE

Član 33. (Obuka radnika)

- 1) U cilju kvalitetnijeg krojenja i klasiranja šumskih drvnih sortimenata kao i korišćenja posječene drvene mase Preduzeća će izvršiti obuku poslovođa u fazi sječe i poslovođa na međustovarištu i glavnom stovarištu.
- 2) Obuka će se sprovesti prema Programu i planu koji će sačiniti stručni kadrovi Preduzeća koje će rješenjem imenovati Direktor Preduzeća.
- 3) Program i plan će sadržavati teoretsku i praktičnu obuku i biće odobren od strane Direktora Preduzeća.
- 4) Provjera stečenih znanja izvršiće se od strane Komisije koju će imenovati Direktor Preduzeća.
- 5) Radnici koji pokažu zadovoljavajući nivo usvojenih znanja dobiće pisano uvjerenje o položenom stručnom ispitu - Certifikat internog karaktera.
- 6) Svake godine vršiće se provjera stečenih znanja i ocjena njihove primjene u praksi a u cilju produženja važnosti uvjerenja.

Član 34. (Nadzor nad primjenom Pravilnika)

Nadzor nad primjenom ovog Pravilnika vrši Nadzorni odbor Preduzeća,

Član 35. (Posebni akti)

Sve što nije obuhvaćeno ovim Pravilnikom, a u interesu je Preduzeća, regulisaće se posebnim aktima Nadzornog odbora Preduzeća, pod uslovom da takvi akti nisu u suprotnosti sa odredbama ovog Pravilnika i Odlukom o uslovima i načinu prodaje šumskih drvnih sortimenata i nedrvnih šumskih sortimenata („Službene novine Kantona Sarajevo", broj 35/22).

Član 36. (Izmjene i dopune)

Izmjene i dopune ovog Pravilnika vrše se na način predviđen za njegovo donošenje.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0102	02	
PRAVILNIK O PRODAJI ŠUMSKIH DRVNIH SORTIMENATA I NEDRVNIH ŠUMSKIH PROIZVODA KJP «SARAJEVO-ŠUME» D.O.O. SARAJEVO					Strana: 15 od 15

Član 37.
(Stupanje na snagu)

- 1) Ovaj Pravilnik stupa na snagu danom donošenja, a objavljuje se na oglasnim pločama Preduzeća, na web stranici Preduzeća.
- 2) Stupanjem na snagu ovog Pravilnika prestaje da važi Pravilnik o prodaji šumskih drvnih sortimenata i nedrvnih šumskih proizvoda KJP „Sarajevo-šume“ d.o.o. Sarajevo prečišćeni tekst broj: 0102-174-10/24 od 18.01.2024.godine i Pravilnik o izmjenama i dopunama Pravilnika o prodaji šumskih drvnih sortimenata i nedrvnih šumskih proizvoda KJP „Sarajevo-šume“ d.o.o. Sarajevo prečišćeni tekst broj: 0102-4668-16/2024 od 29.11.2024.godine

PREDSJEDNIK NADZORNOG ODBORA
KJP „SARAJEVO-ŠUME“ DOO SARAJEVO


Midhat Mušić


Broj: 0102-379-4/26
Datum, 04.02.2026. godine

